

НАСТУК

Сьылөмөн ворсантор
коллективизация заводитчан кадысь

Озыра олысь крестьянинлөн керка. Джодж пасья-
лаыс вольсалөма унапөлөс рөма джодждоряс.
Стенъяс шпалеритөма. Пельөсас вит кымын образ.
На водзын ошало лампада. Образъяс улын пызан. Па-
ныд стенас куим өшинь. Отыс восьтөма. Восьса
өшинь дорын пукалө Настук, көзяинлөн слуга-батрач-
ка, омөлик ситеч платьеа, ачыс жугылькодь.

НАСТУК

Праздник луно керкаын
Пукавны зэв шог.
Коркө бара гуляйтныд
Петны верма ог?

Вичко кындзи некытчө
Көзяин оз лэдз,
Быттьөкө ме кутшөмкө
Пиньтөм пöрысь пöч.

Талун асыв шуис мем:
«Көть батрачка тэ,
Век жö тэнад лов вöсна
Тöждыся пö ме.

Зіля котöрт вичкоö,
Енмыд мед оз вун.
Сэсся пукав керкаын,
Некытчö эн мун».

Мыйла меным вичкобд?
Мыйла меным ен?
Мыр моз сөмын сулалан
Образ водзас сэн.

Аминьяссө кывзан да,
Кутшөм сэтысь бур?
Эз кө эськө ыстыны,
Сэтчө он нин тюр.

Менам озыр көзяин,
Опось дядь, зэв стрөг:
Енмөс сөмын радейтө,
Мекөд вывтї лёк.

Равөстлас да, чуймылан...
Пессян лун и вой!
Мукөддырйи повзёмла
Пөгтөдз он и сөй.

Вогөгөрся мырсьёмысь
Эз на мынтыв сьом.
Талун, грекысь полөмла,
Шойччөг сетіс мем.

Сөмын тайө шойччөмыс
Оз и сулав грөш:
Сыысь аски уджөдас
Помся сутки чөж.

Көзяйка мем висьталіс:
«Тэ вылө пө пыр
Дзодзув Семө видзөдө,
Парсө нюлігтыр.

Гашкө, пө и гөтрасяс,
Бурджыка пө ов».
Мем, көть и батрачка ме,
Татшөм пон оз ков!

Шондїбанөй праздникөй,
Эн тэ меным лок!
Шогапырысь лолавны —
Оти менам мог. (Видзөдө өшиньөд.)

Со тай, майбыр, туй кузя
Мунө кымын ныв.
Ставныс гора сьылөны
Гажа сьыланкыв.

Ывласянь, ылісянькодъ, кылö сьылöм. Надзöницкөн
матысмö, лоö гораджык. Бөръя кывъясыс сьывсьöны
дзик öшинь улас.

С Ы Л А Н К Ы В

Мыйла клубö ветла ме,
Мамö видчö:
«Кытчö, коньөр, мунан тэ,
Кытчö, кытчö?
Клубад овмöдчöма бес
Ыджыд сюра.
Сэни жöдзö омöль йöз
Шырöм юра.
Весиг öбраз абу сэи,
Эз и вöвлы.
Виас, нылöй, тэнö ен,
Чöвлы, чöвлы!»
Шуи мамöлы ме сэк:
«Мый тэ лябан?
Мыйла енкöд ноксян век?
Енмыс абу!
Нинöмабуыс оз ви
Ловъя мортöс.
Клубас тöдны кутим ми
Ленин ёртöс.
Пондим тöдны, кутшöм бур
Вильног олöм.
Сэни югдiс менам юр,
Воши полöм.
Тэ моз колльöдлыны нэм
Ме ог понды.
Клубас воссис-петiс мем
Югыд шонди!»

Н А С Т У К

Аттö, кызди кужöны
Сьывны сьыланкыв.
Ме кө вöлі ывлаас,
Мöдногөн эг сьыв.

ОТИ НЫВЛОН ГӨЛӨС (*өшинь улын*)

Мый тэ, Настук, пукалан
Өшинь дорас сэн?
Он өмөй нө аддзы тэ,
Гажыс пуө көн?

НАСТУК

Бура эськө аддза да,
Он тай, майбыр, пет.
Тиянлы моз вөлясө
Көзяин оз сет.

УНА НЫВЛОН ГӨЛӨС (*збоя сьылёны*)

Нинөм көзяиньсь повны,
Абу ыджыд сьлөн чин.
Он кө понды збоя овны,
Няйтө таляссяс том вын.
Вайө Настук ордө пырам,
Сийөс гильөдыштам,
Жугыльлунсө сылысь йирам,
Лысө вильөдыштам.

НАСТУК

Локтө пырө, нывъясөй,
Некод абу тан.
Збыль тай тиян пужьома
Гажныд, шондібан.

Пырөны дас кымын ныв; ставныс мича платъеаёсь.

НЫВЪЯС (*йөктигтырйи сьылёны*)

Татчө пырим, татчө пырим,
Татчө пырим ставным ми,
Оз кө Настуклөн көзяин
Ми кодь йөктысьяссө ви!
Оз кө ви, оз кө ви,
Оз кө ви, оз кө ви.
Оз кө Настуклөн көзяин
Ми кодь йөктысьяссө ви!

НАСТУК

Дыр на татшом аньяслы
Виысь морт оз чуж.
Көзяинлы асьныд на
Петкөдланнды пуж.

НЫВЪЯС

Вермас лоны, вермас лоны,
Вермас лоны тадзи збыль,—
Пөрысь йөзлы огө сетчө,
Өні олөм миян выль!
Олөм выль, олөм выль,
Олөм выль, олөм выль.
Пөрысь йөзлы огө сетчө,
Өні олөм миян выль!

НАСТУК

Менам, муса нывъясөй,
Олөм пыр на важ.
Сы вөсна ог аддзыв ме
Некутшөм выль гаж.

НЫВЪЯС

Регыд аддзан, регыд аддзан,
Регыд аддзан долыдлун,
Он кө верөссайө таво
Дзодзув Семө сайө мун!
Он кө мун, он кө мун,
Он кө мун, он кө мун.
Он кө верөссайө таво
Дзодзув Семө сайө мун!

НАСТУК

Зывөк весиг видзөдны
Семө вылад мем.
Семө дорсьыд мичаджык
Мусук менам эм.

НЫВЪЯС

Тодам, Настук, тодам, Настук,
Тодам, Настук, дона ёрт.
Тэнад мусук — Якё Гриша,
Қоллективын олысь морт!
Олысь морт, олысь морт,
Олысь морт, олысь морт.
Тэнад мусук — Якё Гриша,
Қоллективын олысь морт!

НАСТУК

Тайё кё ті тоданныд,
Мед и лоас сідз,
Дерт, ме озыр Семёлы
Ачымёс ог видз.

ОТИ НЫВ

Семё саяд, Настукёй,
Мунас ёти бес.

МӨД НЫВ

Радейтоны Семёс
Поп да пёрысь йёз.

ҚОЙМӨД НЫВ

Отувтчан кё Гришакөд,
Воссяс тэнад туй.

НЁЛЬӨД НЫВ

Тиян костё Семёйд
Нырсо оз нин суй.

НАСТУК

Сідз эськё да, көзяин
Скөрмас кё, көть бөрд.
Қоланторсо регыдөн
Олёмё он пөрт.

СТАВ НЫЛЫС (збоя сьылёны)

Муса Настук, дона ныв, дона ныв,
Мыйла шуан сэтшөм кыв, сэтшөм кыв?
Тэ кө ачыл лоан збой, лоан збой,
Көзяиныйд оз на сёй, оз на сёй.
Небзяс сьлөн чорыд ки, чорыд ки,
Водзвыв тодам тайё ми, тайё ми.
Сьлөн скөрмөм — нинөмтор, нинөмтор,
Совет властьыд миян дор, миян дор.
Кывзы, Настук, роч акань, роч акань,
Рама овны абу шань, абу шань.
Колё вежны оланног, оланног.
Татшөм өні миян мог, миян мог.

НАСТУК

Вежны ассыым олөмөс
Рад эськө ме пыр.
Менам том ныв сьёлөмын
Пузьёкодь нин вир.

НЫВЪЯС (збоя сьылёны)

Айдай, Настук, айдай, Настук,
Айдай, Настук, муса чой!
Коркө пондас миян Настук
Збоя овны лун и вой!
Лун и вой, лун и вой,
Лун и вой, лун и вой.
Коркө пондас миян Настук
Збоя овны лун и вой!

ОТИ НЫВ

Жугылькодь на Настуклөн
Мича чужөмбан.

МОД НЫВ

Вай жё сылысь шогсё ми
Пальдыштам тан.

КОЙМОД НЫВ

Керка шӧрас вӧчлам ми
Гажа ворсанін.

НЕЛЬӦД НЫВ

Кӧзяиныс пырас кӧ,
Сувтас сьлӧн син.

СТАВ НЫЛЫС (*узькӧдчӧны Настук дінӧ*).

Настук, лок, Настук, лок,
Эз кӧ сибды джоджад кок!
Тэнад кокыд эз кӧ сибды,
Чеччы, гажӧдчыштам лок!

Чеччӧдӧны Настукӧс лабич вьвсьыс и петкӧдӧны джодж шӧрӧ.
Сэсса сувтӧны кытшӧ (Настуккӧд тшӧтш) и велӧдлӧгтыр
сьылӧны.

С Ы Л А Н Қ Ы В

Дзор чери кыйысьлӧн томиник ныв
Пыр вӧлі дӧмлӧ важ кулӧм да тыв,
Быдторсӧ вӧчӧ, мый тшӧктылас мам.
Ошкӧны пӧрысьяс нывлысь бур сям:
«Ӧдюкыд миян зэв кывзысь, зэв шань!
Ӧдюкыд миян зэв раминик ань!»
Бать-мамыс радысла чеччавны дась,
Кор воис корасыны мельнича Вась.
Мельнича Вась вӧлі озыр да лӧк,
Изигӧн изысьсӧ чиркліс быдног.
Видзӧдліс сы вылӧ раминик ныв,
Сувтіс да крапкӧбтіс со кутшӧм кыв:
«Мельнича Вась сайӧ ог на ме мун.
Оз меным ков сьлӧн лӧк озырлун!»
Бать сьлӧн скӧрмис да нылыслы — швач:
«Регыдик тӧнӧ ме велӧда тадз!
Мӧдысь кӧ косышта, гырӧссяс ныр.
Бать-мамкӧд венӧ тэ некор эн пыр!»
Ӧдюк эз повзыы да висьталіс сідз:

«Кулактö, колöкö, ас вылад видз!
Мöдысь кö вөрзöдан, суд тэныд эм.
Нывбаба правоид тöдса нин мем!»
Чуймис да скöрлунсö вунöдис бать.
Мельнича Васька эз ло сылы зять.
Бать водзын нывлөн оз тірзы нин лов.
Сетчыны пöрысьлы некор оз ков!

Бөръя кывъяс сьылігөн пырö керкаö Настуклөн кöзяин — Опонь дядь, паськыд тоша морт, гажанора, ичотика шатлалö. Сувтö öдзöс дорас. Чуймöма, видзöдö нывъяс вылö. Нывъяс дугдöны сьывны. Настук вешйö на дінысь бокö.

ОПОНЬ ДЯДЬ (скöра)

Мый ті тані, вижляяс,
Паськöдланныд вом!
Оз на вермы водзсасыны
Пöрысьыдкөд том!
Бать-мам водзад ставныд ті
Ичöt кутюпи.
Аддзад, кутшöм зумыдöсь
Пöрысьяселөн ки! *(Петкөдлö нывъяслы кабыртöм кулакъяс).*

Нырвомад кö косьышта,
Казяланныд сэк.
Менам чорыд кабырыд
Абу чöскыд нök!

НЫВЪЯС

Опонь дядьö, дугды сөрны,
Он тэ вермы нинöм керны.
Сэтшöм öні кад —
Пöрысьяслы мат!

ОПОНЬ ДЯДЬ

Асьныд матöвоанныд
Пöрысьястöг ті.
Оз кö сэтчöдз тіанöс
Енмыс изйөн ви.

Перна тїян абу нин,—
Кутшөм нө ті йөз?
Кыскас коркө ставнытө
Адө сюра бес!

НЫВЪЯС

Сюра бесысь огө полө.
Ставным пырам комсомолө.
Висьталөны сэн:
Эз пө вөвлы ен!

ОПОНЬ ДЯДЬ *(зымнитө кокнас)*

Ланьтөй, лёк пеж дзодзувъяс,
Енмыд абу теш!
Отитор и кужанныд —
Серавны лун чөж.
Со тай менам Настаыд
Кутшөм авъя ныв,
Тїян моз оз равөстлы
Омөль сыланкыв.

НЫВЪЯС

Синсө Настуклы ми восьтам,
Комсомолө сійөс босьтам.
Мый көть сійө рам,
Вежсяс сылөн сям!

ОПОНЬ ДЯДЬ *(уськөдчө нывъяс вылө да тойлалө өдзөслань)*

Мунөй татысь, вежөмъяс,
Петөй пырысь-пыр!
Тїянлысь лёк карзөмтө
Кывзі нин ме дыр.
Пыринныд да увганныд,
Лешак чукөр, ті.
Со на тай кызд уджалө
Менам пөрысь ки! *(Тодмышкалө нывъяссө өдзөс
порог вомөн.)*

НЫВЪЯС *(петіганьс)*

Гортад скöравны тэ верман,
Сöмын ачыд регыд йөрман:
Лэптысьö, оз чин
Коллективлөн вын!

ОПОНЬ ДЯДЬ *(чорыда пöдлалö öдзöс)*

Сідз эськө и орöді
Öти нывлысь юр!
Коллективлөн кыптöмыс
Абу вывті бур.

Но да нинöм повзыны
Коллективсьыс мем:
Няньöн йöртöд тырöма,
Быдтор менам эм. *(Воськовтö Настуклань.)*

Сэссия со мый юала,
Наста, тэнсьыд ме:
Мыйла татшöм нывъяссö
Лэдзин татчö тэ?

НАСТУК *(смела)*

Ог жö понды тойлавны,
Пырö кө бур йöз.
Юрөн найöс люкавны
Абу на ме мös!

ОПОНЬ ДЯДЬ *(шензьöмөн видзöдö)*

Мый тэ сэні больöдчан,
Гөгөрвоан он?
Курчис öмöй коньөрös
Кутшöмкө дур пон?
Кыз тэ лысьтан сёрнитны
Кöзяинкөд сідз?
Вензьöм вылö, зык вылö
Тэнö ме ог видз.
Тасмаөн кө кульышта,
Тöдлан сэки гаж.
Батрачкалөн олöмыс
Пыр на кольö важ!

Ортсыи кылöны мужик гөлөсьяс. Опонь дядь видзөдлө öшиньöд,
сэсья чепöсйö бөр.

Аттö, со нин локтöны
Поп да Сюзь Микит.
Дзодзув Семö — коймöдыс,
Нельöдыс — Кöин Тит.
Тшöкты Марпа тьоткалы
Вайны вина-сур.
Оз кö тырмы винаыс,
Эм на самöкур.
Кыскöй карса калбассö,
Куим черинянь.
Тайö корöм гöстьясуд
Мöда-мöдысь шань.
Буракö, тэ Семöлы
Лоан гöгырпу...
Эн лысьт мекöд вензыны,
Паныд кыв эн шу! *(Зымнитö кокнас.)*

Настук нетö. Пырöны поп, Сюзь Микит, Дзодзув Семö и Кöин
Тит, ставныс неуна гажайсь. Поп сувтö джодж шөрö да лэптö
веськыд кисö.

ПОП *(многолетие моз)*

Керкаын олысьлы,
Господьысь полысьлы,
Вичкöй волысьлы
Зептырыс сьöм,
Нянь да кузь нэм!

МУКÖД ПЫРЫСЬЯС *(ссылöны)*

Озыра,
Озыра,
Озыра овны, озыра
Овны,
Овны!

ОПОНЬ ДЯДЬ *(копрасьö)*

Лок жö, дона батюшко,
Миян ыджыд ай,

Пызан саяд пуксы да
Гажөдчыштам вай,
Семушөй да Титушөй,
Микит, муса сват,
Пыринныд да тиянлы
Вывті нин ме рад.
Сёрнитігтыр юыштам
Батюшкокод тан.
Вина-сурыд тырмас на
Менам, шондібан.

Пароны Настук да сылөн көзайка — Марпа тьотка. Отыс вайо
куим парта вина, мөдыс — калбас да куим черинянь. Поп сувтө
налы паныд да вылө лэптө кыкнан кисб.

ПОП (*многолетие моз жө*)

Кабакса виналы,
Вель ыджыд чиналы,
Дявөл кодь выналы,
Югъявны дыр,
Клянитча пыр!

МУКОД ПЫРЫСЬЯС (*ссылёны*)

Югъявны,
Югъявны,
Югъявны, би моз югъявны,
Би моз,
Би моз!

Марпа тьотка да Настук пукталёны пызан вылө ваянторсө, сәсся
петёны.

ОПОНЬ ДЯДЬ (*индө вина вылө*)

Тайө югыд винаыс
Сийөн медся бур:
Мукөддырйи гольяслы
Пемдөдыштө юр!

ПОП

Пемыд юра войтырыд
Абу жё дзик шань:
Шоча ёні вайлёны
Меным руга нянь.

СТАВНЫС (*поп кындзи*)

Батюшко, эн пов,
Тшыгйён он на ов.
Чукёртам ми пызь
Тэныд мешёк кызь!

ПОП

Тёда, онё энэвтёй
Менё ставныд ті.
Отувтчёмён бура на
Гыбалыштам ми!

Тайё сьылігкості бара пырёны Настук да Марпа тьётка, вайёны
ядова сур, шаньга да поднос вылын румкаяс, ставсё сувтёдёны
пызан вылё. Настук сэсея пуксьё восьса ёшинь дорё.

МАРПА ТЬОТКА (*копрасьё*)

Дона гёстьяс, пуксялёй,
Видлёй вина-сур.
Юём бёрас сёйыштёй,
Шогмана кё нур.

ДЗОДЗУВ СЕМО

Быдтор тані шогмана,
Ставыс чёскыдтор.

СЮЗЬ МИКИТ

Тіян ордын гёститны
Позьё на коть кор.

ҚОИН ТИТ

Видзёдлан да, майбырёй,
Пызаныд дзик тыр.

ПОП (пернапасалö пызансö)

Мед жö сур да винаыс
Некор тась оз быр!

Пуксялöны пызан гөгөр. Опонь дядь мыччö поплы яндоваон сур,
сэеся кисьталö румкаясö вина. Та бöрын налön сёрнитöм-сьы-
лöмыс муно юиг-сёйгытүр. Опонь дядь пыр содталö винасö
румкаясö.

ОПОНЬ ДЯДЬ

Юöй, юöй зильджыка,
Юрныд гажмас мед,
Жугыльтчöмөн ме ордысь
Некод мед оз пет.
Нинöм ёна шогсьыны,
Шудным эз на вош.
Ме тай пыр на гöль водзын
Лэпта тадзи тош! (*Вылö лэптö тошсö.*)
Скөрмөдчам кö, асьным ми
Вöчам налы рель.
Таво на мем уджаліс
Сизим кымын гöль.
Эз тай некод на пиысь
Мукöдлаö мун.
Няньön налы мынтыси —
Куим пунтön лун.

ПОП

Кöть эськö и нинöмтор
Гöльыдлы он сет,
Вердыштан да, кынöмыс
Лоас сылön пöt.

ДЗОДЗУВ СЕМО

Дас лун меным видз вылын
Ытшкис Прокö Вась.
Сюйышти ме ытшкысьлы
Киссьöм ыж ку пась.

ПОП

Прокö Васьлы бурджыксö
Сетны оз и ков.
Шоча ветлö вичкоö,
Господьысь оз пов.

СЮЗЬ МИКИТ

Öти дöва вундiс мем
Нель лун зiля зэв.
Лои сылы мынтöма
Ведрa шoма йöв.

ПОП

Дöва мортлы унджыксö
Босьтны сэсся кысь?
Лöсялас на тшыг вылас
Сылы тайö рысь.

КÖИН ТИТ

Кыис меным Педиюкöй
Посни синма тыв.
Тöлысь, гашкö, пукалис,
Вöчис комын сыв.
Мöвпыштi ме бурджыка,
Сылы сетны мый.
Ыстi сэсся коньöрлы
Кык пунт чирöм вый.

ПОП

Чирöм выйыд абу на
Педиюкыдлы зор:
Вуштыштан кө чирöмсö,
Артмас чöскыдтор.

ОПОНЬ ДЯДЬ

Кужан жö нин, бaтюшко,
Кывтö шуны тэ.
Христосöс моз кывзыштi
Öни тэнö ме.

СТАВНЫС (поп кындзи)

Батюшко коть кор
Олө миян дор,
Лёкинө оз суй,
Индө веськыд туй!

ПОП (лэпто кияссө)

Тиян вылө ыджыд милөсть
Енлысь кора,
Қора, кора, кора, кора,
Енлысь кора.
Выльног олысь сиктса йөзсө
Ставсө ёра,
Ёра, ёра, ёра, ёра,
Ставсө ёра.
Қодлы енмыс муса, сийө
Райө каяс,
Қаяс, каяс, каяс, каяс,
Райө каяс.
Қоді вичкоө оз ветлы,
Қольө саяс,
Саяс, саяс, саяс, саяс,
Қольө саяс.
Мед жө миян дзескыд олөм
Регыд бырас,
Бырас, бырас, бырас, бырас,
Регыд бырас.
Мед жө пернатөм пеж войтыр
Йирө пырас,
Пырас, пырас, пырас, пырас,
Йирө пырас!

СТАВНЫС (поп кындзи)

Виччысьө нин дыр
Найөс джуджыд йир!
Қодлы мустөм ен,
Быдөн лоас сэн!

ПОП

Миян сиктын вöчисны
Найö коллектив.
Та йылысь ме тiянлы
Шуа сэтшöм кыв.

Коллективыд ёнмас кö,
Олöм лоас дзуг.
Тöда нин ме лöсьыда
Сылысь бан и гуг.

Оз кö енмыд чардбиён
Йöзсö сэтысь ви,
Коллективлы кок улö
Сюрам ставным ми.

Няныыд пöтмөн лоас кö,
Гöлыыд лэптас ныр,
Тiянлы оз уджав ни
Вичкöй оз пыр.

Сiдз нин налөн, ошлөн моз,
Бугжылясьö син.
Кыдзкö колö бырöдны
Коллективлысь вын.

ОПОНЬ ДЯДЬ

Позьö эськö со кызди
Чегны сылы борд.
Эмöсь коллектив пыткас
Куим юысь морт.

Налы кö ми петкöдлам
Татшöм югыдтор, (*лэптыштö вина сулея*)
Сувталасны вочасөн
Найö миян дор.

Винасö кö юасны
Литра куим-нель,
Коллективса мөвпъясыс
Налөн оз и коль.

Коддзасны да лэптасны
Ёртъясыскöд зык.
Отувтчöмыд пöрас кö,
Жельнад он нин пык!

СЮЗЬ МИКИТ

Оз кӧ отсав винаыс,
Эм на миян чер.
Потшӧсьяссӧ кералам:
Восьтам налысь йӧр.
Скӧтӧс сэтчӧ лӧдзам да
Вывті лоас шань:
Оз и ковлы вундыны
Отув кӧдзӧм нянь!

ҚОИН ТИТ

Қӧть эськӧ и вундасны,
Вартӧмъяс оз ло:
Сота налысь сӧрӧмсӧ
Тайӧ киӧн — со! (*Лӧлтӧ веськыд кисӧ*)

ДЗОДЗУВ СЕМӦ (*чабралӧ
кулакъяссӧ*)

Қӧні кутшӧм машина
Антусьяслӧн эм,
Ставсӧ жугла, чегьяла,
Сюрасны кӧ мем!

ПОП (*многолетие моз*)

Коллектив жугӧдны,
Удж сылысь дугӧдны,
Ур ку моз гугӧдны
Отсав, бур ен,
Лӧк йӧзсӧ вен!

СТАВНЫС (*поп кындзи*)

Отсалышт,
Отсалышт,
Отсалышт, енмӧй, отсалышт,
Енмӧй,
Енмӧй!

ДЗОДЗУВ СЕМӨ (шенасьö кинас)

Му пыр, ва пыр мунас мед
Тайö коллектив!
Онi менам дум вылын
Öти мича ныв.

Сытöг ог нин вермы ме
Колльöдлыны нэм:
Шогла мукöд кадъясö
Пемдывлö юр вем.

Мый кöть и батрачкаын
Олö сийö тан,
Гöтыр вылö шогмö мем
Радейтана ань.

Босьта сийöс ас сайö,
Сета сылы шуд,
Бура верда, юктала,
Тшыгйöдны ог кут.

Оз кö понды кывзыны,
Велöдышта сэк,
Кыдзи воддза гöтырöс
Велöдлi ме век.

Но да плетьön швучийöдлöm,
Гашкö, оз и ло,
Гашкö, сытöг олам ми
Уна-уна во.

(Сувтö да матыстчö Опонь дядь динö.)

Опонасей Карпович,
Кöзяиныд тэ.
Настук тэнад власть улын,
Тöда тайöс ме.

Мем кö сийöс сетан тэ,
Вывтi лоас шань.
Сы пыдди ме козьнала
Тэныд медбур чань.

ОПОНЬ ДЯДЬ

Семен Спиридонович,
Мöдтор ме ог шу:
Чаньтö кö мем козьналан,
Нывтö босьт да ну.

Кык во сійö уджаліс
Меным лун и вой.
Мед жö öні тэ ордын
Песлөдлыштас сой.

Колөкө, көть талун жö
Петкөд сійөс тась.
Венчайтнысö тiянös
Батюшкоыд дась.

ПОП (*шенасьö вина суляөн*)

Исаия ликуй!
Исаия ликуй!
Венчайттөг оз туй!
Исаия ликуй!

СЮЗЬ МИКИТ ДА КÖИН ТИТ
(*равзöны*)

Настуклы — ура!
Семушлы — ура!
Свадьбалы — ура!
Уррра!!!

ОПОНЬ ДЯДЬ (*Настуклы*)

Öнi, Наста, шуа ме
Тэныд сэтшöм кыв:
Ассыйд муса жöниктö
Окав, дона ныв!

ДЗОДЗУВ СЕМО (*уськөдчö Настук дiнö*)

Меным воссис гажа рай,
Настук, окасьыштам вай!
Тэнад мича чөскыд вом
Менам шоглы вöчас пом!

Кбсiйö кутны да окавны Настукöс. Настук чеччö лабич вылысь
да тойыштö Семöс.

НАСТУК

Вешйы, мисьтём Дзодзулөй,
Кык кока лёк ош!
Тэкөд ме ог өтувтчы,
Оз кө мывкыд вош.
Сямлуннад да чужөмнад
Бытбөкө тэ порсь.
Невестаыд ковмис кө,
Мукөдлаысь корсь!

Ставныс шемөс. Дзодзув Семө сулалө джодж шөрын кисө шев-
гөдмөн. Мукөдыяс көсийны юны вина да сідзи и кольоны рум-
каяссө кианыс кутөмөн. Опонь дядь чеччыштө улөс вылысь, ляскө
ассыс вина тыра румкасө джоджө да зымнитө кокнас.

ОПОНЬ ДЯДЬ *(Настуклы скөра)*

Кыз тэ лысьтан сёрнитны
Жөникыдкөд сідз!

Кер, мый тэныд тшөктөма,
Воча кыв эн видз!

Раминика, лөсьыда
Жөник водзад сувт,
Кутлы сійөс топыда,
Кутю моз эн увт.

Семен Спиридонович
Абу омөль морт.
Батюшколы, миянлы
Сійө дона ёрт.

Важысянь нин озыра
Олө сійө пыр:
Сизим жыръя керкаыс,
Скөтыс картатыр.

Няныс сылөн заптөма,
Гашкө, витсө пуд.
Батрачкалы сы сайө
Петны — ыджыд шуд.

Нинөм тэныд вежнясыны,
Көзяиныд — ме!
Кылан, окав жөниктө!
Кылан менө тэ!

НАСТУК

Ог ме сійӧс оков ни
Сы сайӧ ог мун.
Мукӧд нывлы сюрас мед
Сылӧн озырлун.

Оласногнас Семӧйд,
Быттӧ пурсьысь пон.
Гӧльясӧс пыр уджӧдӧ,
Мынтӧ ичӧт дон.

Мырдӧн сетны сы сайӧ
Абу тэнад вын.
Зэв нин ӧні ичӧтик
Кӧзяинлӧн чин!

ОПОНЬ ДЯДЬ *(зэв ёна скӧрмӧ)*

Петкӧдла ме, аддзылан,
Кӧзяинлысь сям!
Выныд менам туӧ на,
Оз на, майбыр, ям.

Тан кӧ эськӧ батышко
Керкаын эз вӧв,
Гезйӧн эськӧ кульышти
Тэно унапӧв.

Семуш кодь бур жӧникыд
Тэныд оз нин сюр.
Петан, нылӧй, сы сайӧ,
Миянкӧд он дур.

Видзӧд паськыд бугыльнад,
Кутшӧм сійӧ шань.
Меным весиг кӧсйысьӧ
Козьнавыны бур чань.

НАСТУК

Чаньястӧ тэ мӧдногӧн
Лӧсьӧдлы да чӧж.
Некор менӧ чань вылад
Дзодзувкӧд он веж!

О-ПОНЬ ДЯДЬ *(скора)*

Аттö, сюра лешакöй,
Пузис менам вир...
Окав ассыд жöниктö,
Окав пырысь-пыр!

МАРПА ТЬÖТКА

Наста, мыйла лэптін тэ
Кöзяинкөд зык?
Воши öмöй полöмыд?
Юрыд öмöй кык?

ПОП

Пöрысь йöзысь, Настукöй,
Господьысь моз пов.
Кöзяинкөд слугалы
Пыксыны оз ков.

СЮЗЬ МИКИТ ДА КÖИН ТИТ

Кöзяинлысь кыв
Кывзы батрак ныв!
Тшöктöмторсö вöч,
Улö юртö лэдз!

НАСТУК *(Сюзь Микитлы да Кöин Титлы)*

Ті көть энö велөдöй
Лёк Микит да Тит.
Тіян сьөлөм пытшкөсид,
Бытьтö няйтöсь тид!

(ноплы)

Рака моз эн шенась тэ
Паськыд соснад, поп.
Ачyd сöмын тшөгөдчан,
Гöльы пуктан ноп!

(Марпа тьötкалы)

Марпа тьотка, тiянысь
Полi ме зэв дыр.
Онi мукод мовпгясон
Юрöй менам тыр.

(Опонь дядьлы)

Опонь дядь, коть лёкыдла
Куад тэ он тор,
Важмоз тэнад слугайд
Тэ водзын оз дзөр.

Талун кызкө отпырйö
Воссис менам син,
Югдiс пемыд вежөрöй,
Сьёлөм эз ло кын.

Ме дырйи тi бизгинныд
Уна омөльтор.
Тiян лөглы, грөзбалы
Эз вöв пом ни дор.

Чайтинныд, мый тiянöс
Ог ме гөгөрво...
Коть тi ош моз эралöй,
Тiян ног оз ло.

Воссьöма нин гөльяслы
Гажа югыд лун...
Семö сайö, пон сайö,
Некор ме ог муи!

ОПОНЬ ДЯДЬ *(лөкысь раззö)*

Көрталөмөн венчайтны
Тшөкта талун рыт!
Венеч бөрад Семушто
Поннад он нин вид.

Бура сийö серодас
Тэныд чужөмбан...
Ачым на ме тасмаөн
Куля тэнö тан! *(Разьö ас вывсьыс
тасма)*

СТАВ ГÖСТЬЯС

Лөсав нывлысь бок,
Бырөд сылысь лөк!

Асныра тай зэв,—
Лёсав сизимпөв!

Опонь дядь тасмаён воськовтё Настуклань. Настук ббрыньтчө
өдзёс дорё.

НАСТУК

Дзик жө тай ті вёлөмныд
Кык кока вит зверь!
Тэ, қөзиян, скөрмөмнад
Нинөмтор он кер.
Дугды ассъыд тасматө
Петкөдлыны мем.
Нөйтысь вылө чорыдкодь
Сөвет закон эм.

ОПОНЬ ДЯДЬ

Закон йывссыд вензыны
Тэкөд ме ог кут.
Вөча закон төдысьлы
Ас керкаын суд.

Чабыртө шуйга киён Настукөс пельпомөдыс да көсийө сийёс куч-
кавны тасмаён. Тайө здукө восььё өдзёс и керкаө пырө том морт,
комсомолец Якө Гриша, коллективын уджалысь.

ЯКӨ ГРИША

Мый тэ көсьян нылыдкөд
Қерны, Опонь дядь?
Мый тэ горзан, чеччалан
Тані сыннсадь?

ОПОНЬ ДЯДЬ

(лэдзё Настукөс да бергөдчө Гришалань)

Слугаөс тан велөдө
Қөзиянлөн ки!
Мыйла татчө пырөмыд
Қоньөр дөва пи?

Я КӦ ГРИША

Настук ордӧ локті ме.
Меным тэ он ков.
Бурӧн тэноӧ ӧлӧда:
Раминика ов!

ОПОНЬ ДЯДЬ

Кутшӧм нӧ тэ ӧлӧдысь?
Аттӧ, зырымбедь!
Зэв тай мыйкӧ чорыда
Сувтіс тэнад щӧть.
Верма ме ас керкаын
Буавны быдног.
Слугаӧс кӧ велӧда,
Кутшӧм тэныд мог?

Я КӦ ГРИША

Буретш менам та кузя
Могыс тэӧдз эм.
Эз вӧв тэнад слугалӧн
Бурджык пась ни кӧм.
Сы вылын тэ ыждалин,
Пӧттӧдзыс эн верд.
Сылысь вирсӧ юмла
Чужӧмыд со гӧрд! *(Настуклы.)*
Тэноӧ, Настук, юала
Збыль-ӧ вӧлі сідз?
Чайта, тэноӧ Опоньыд
Мӧдногӧн эз видз.

НАСТУК

Асывсянь да войшӧрӧдз
Мырси ме быд лун.
Эг ме некор тӧдливлы
Тані чӧскыд ун.
Талун менӧ коралӧ
Тайӧ мисьтӧм пон. *(Индӧ Семӧ ӧвлӧ.)*
Менӧ эз и юасьлы:
Мунан али он?

Сөмын шуис Опоньлы:
«Сет мем тайо ань.
Сы пыдди по козьнала
Тэныд медбур чань».
Көзяинлы чорыда
Висьталі ме: «Ог!»
Сы вөсна и тасмаон
Көсийис кульны бок.

ЯКӨ ГРИША

Со кыз тэно видзёны
Тані, коньор ныв.
Та йылысь нин кывлөма
Миян коллектив.
Коллективыд тшөктіс мем
Нуны тэно тась,
Тэ кө отув олөмө
Пырны лоан дась.

НАСТУК

Коді-но бур олөмө
Лёкинысь оз вудж!
Рад ме вольной войтыркөд
Уджавны быд удж.

ЯКӨ ГРИША

Оз на сиктса озыръяс
Овны шынитөв.
Дзодзув Семө тэ вылө
Көсийө вежны вөв.
Тэно вежны, вузавны
Көзяиныд рад.
Ог ме шензы та вылө:
Сэтшөм налөн лад. (Опонь дядьлы.)
Тэныд, Опонь, шуа ме:
Тупкы паськыд вом.
Миян совет му вылын
Кулакъяслы пом!

Опонь дядь раммыштө, гыжъялө юрсө. Сылөн гөстьяс букушөн
видзөдоны Яко Гриша вылө.

ОПОНЬ ДЯДЬ

Ме өд чайті, позьё на
Көзяитны мем.
Пыр на ме батракъяскөд
Колльөдлывлі нэм.

ПОП (*Якө Гришалы*)

Восьтан кө тэ библия,
Аддзас тэнад син:
Му вылад эз бырлыны
Раб да господин.

ЯКӨ ГРИША (*поплы*)

Библияса мойдъяссө
Төдыштан тэ, дерт,
Сөмын өні миянлы
Синнымөс он пөрт.
Важөн миян абу нин
Господин ни раб.
Коді войдөр тшапитчис,
Өні эз ло тшап. (*Опонь дядьлы.*)
Тэ, көзяин, нартитін
Слугаястө пыр.
Сөвет судыд лэдзыштас
Тэнсыд чатыр ныр! (*Ставныслы.*)
Тіянлысь лёк көсйөмсө
Гөгөрвоам ми.
Лыддысям ми тіянкөд,
Он кө раммөй ті! (*Настуклы.*)
Мунам, Настук, на дінысь,
Мунам, коньөр ныв.
Корө, тэнө виччысьө
Миян коллектив.
Сэні он ло коньөрөн,
Лоан шуда морт.
Сэні лоан миянлы
Ставнымлы бур ёрт.
Мед тан юас, кодалас
Кулакъяслөн поз.

Регыд найӧс, ёгӧс моз,
Чышкас чорыд рос!

Босьгӧ Настукӧс киӧдыс да петкӧдӧ керкасыс. Опонь дядь да
гӧстьяс повзьӧм синмӧн видзӧдӧны на бӧрся. Сэсся поп чатӧртӧ
юрсӧ образлань да пернапасасьӧ.

П О П (*ичӧт гӧлӧсӧн*)

Гашкӧ, кызкӧ мынам на,
Отсалас кӧ ен.
Гашкӧ, чорыд росъясыс
Абуӧсь на сэн.

Вайӧ гусьӧн сёрнитам,
Уджсӧ вӧчны кыз.
Пуксьӧ ставныд ме гӧгӧр
Топыдджыка сідз!

Опонь дядь пӧдлалӧ ӧшиньсӧ да каличалӧ ӧдзӧссӧ. Сэсся
ставныс пуксьӧны поп гӧгӧр да заводитӧны вашкӧдчыны.

1929—1939 вояс.